



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XLVIII. Epistola Episcoporum Armeniæ Primæ, Ad Leonem Imperatorem.
Piissimo & Christianissimo imperatori, victori, semper, Augusto Leoni,
Ioannes, Gregorius, Auxentius, Eustathius, Epiphanius, ...

urn:nbn:de:hbz:466:1-14887

ANNO
 CHRISTI
 431.

re quoque tunc temporis ipsi venerando Concilio sanctæ
 piæque memoriæ Marciano, & sacratissimo Christianissi-
 moque senatu. Vnde sanctorum patrum sequimur per
 omnia voluntatem. Nos ergo vestræ pietatis iussionibus
 omni virtute velociter ministravimus. Dominus autem
 omnium & protector Christus conservet vestræ pietatis
 imperium, vt ad tempora longa procedat: quatenus ve-
 stra tranquillitate salua, in pace Dei sanctissimæ ecclesiæ
 & totius orbis terræ consistat.

Euoptius humilis episcopus metropolis Cyzici, incolumem pro-
 pter omnes vestram pietatem & longo tempore conservari, sanctam
 & consubstantialem deprecans Trinitatem, subscripsi.

Petrus episcopus Dardani, similiter.

Timotheus episcopus Ceramensis, similiter.

Thalassius episcopus Parii, similiter.

Dauid episcopus Andrianæ, similiter.

Pionius episcopus Troadis, similiter.

Alexander episcopus Occæ, similiter.

Theosebius episcopus Ilii, similiter.

Hermias episcopus Abydi, similiter.

Patricius episcopus Adrianotheres, similiter.

Sotominus episcopus Mileti, similiter.

Polytenus episcopus Scepsii, similiter.

Sabbas episcopus Pionæ, similiter.

Armonius episcopus Lampfaci, similiter.

Ioannes episcopus Pœmaneus, similiter.

Dominus episcopus Varenus, similiter.

XLVIII.

EPISTOLA EPISCOPORVM ARMENIÆ

PRIMÆ, AD LEONEM IMPERATOREM.

*Piissimo & Christianissimo imperatori, victori, semper Augusto
 Leoni, Ioannes, Gregorius, Auxentius, Eustathius, Epipha-
 nius, episcopi primæ Armeniæ, in Domino salutem.*

DEVS verus Dominus noster Iesus Christus semper
 optima naturæ humanæ dona concedens, nullum
 tempus sine sua providentia dereliquit. Qua gratia e-
 tiam nunc fidei veræ prospiciens, quæ nostræ salutis
 spes est, in te pio & Christianissimo principe quodam se-
 cundo Dauid, cornu imperii reclinauit: quem sibi no-
 uit religiose a cunabulis feruiturum, hunc sua sententia

Concil. Tom. 9.

Xx ij

in omni orbe terrarum imperare fanciuit : quatenus ex vestro imperio profuerent bona subiectis, & vbique pietatis prædicatio prævaleret, vestra vtique mansuetudine nihil aliud præter fidem sceptris regalia iudicante. Quorum rerum testis est & præsens zelus, & studium illa firmandi, vnde firmitas vestri accedat imperii. A Deo namque vnctus in regem, mox ei qui vnxit, ipsa principia commendasti, optime satis cogitationibus simul & vocibus ei deseruiens; & vt hæc bene consisteret, præteritis omnibus apud cunctos pro fide orthodoxa decertatus es, omni scilicet mala secta prorsus expulsa atque sublata, in idem conuenientibus & adinuicem concordantibus, qui nuper (quod fieri non oportuerat) videbantur esse diuisi. Quia vt prospicit vestra pietatis intentio, ad vnam reduxistis ecclesiam non solum eos qui per dissensionem noua passione languebant, sed etiam eos, quorum erat a præcis temporibus mens corrupta, & a recta & regia via recedentes, ad loca praua & spinosa blasphemii erroris abierant: vt secundum euangelicam vocem, omnes ecclesie vnus ouile consisterent, & vnus pastor Dominus Christus esset. Sed hæc quidem omnia proueniant in vestro semper imperio. Quia vero & mea simul humilitati piis literis estis iubere dignati, vt quid sentiam de his quæ in Alexandria facta sunt, manifestem, licet & exaggeratio rerum ibi gestarum neque sententia tribuit facultatē, caligine rerum tristium mentibus obumbrante: hoc tamen vobis insinuo, quia si vera sunt quæ in precibus religiosissimorum episcoporum & clericorum Ægyptiacæ diocesis continentur, & auctor Timotheus inuenitur tantorum & talium scelerum, quæ propter nimietatem, vt arbitror, non creduntur, alienus a sacerdotio cum his qui similia perpetrarunt, apud sanctos Canones iudicabitur. Et hæc quidem de his quæ in Alexandria gesta sunt, cum sancto Concilio quod mecum est, deliberans, religiositati vestra significauit. Fidem vero solam trecentorum decem & octo sanctorum patrum, qui Dei gratia contenerunt in Nicæna vrbe sub pia memoria principe Constantino, seruamus, qua ab infantia sumus imbuti, & in sacerdotio alios imbueri nouimus: quamque & post hæc episcopi congregati in ciuitate regia firmauerunt, & propriam iudicarunt, & ipsa sibi coopera-

facto. 10.

ANNO
CHRISTI
431.

ANNO
CHRISTI
431.

*Egy-
ptiæ

ANNO
CHRISTI
451

trice vtentes, & doctrina diuinitus inspirata, sancti scilicet Spiritus blasphemias & zizania radicitus amputantes: quamque nihilo minus & definitio a sancto Calchedonensi Concilio explanata firmavit, præcipue repugnans vefaniæ nefandi Nestorii, & sanctam Synodum quæ Ephesi est celebrata, confirmans, cuius præfules fuerunt Deo amabiles & sanctissimæ memoriæ Romanorum & Alexandrinorum episcopi, Cælestinus & Cyrillus, qui maxime aduersus sceleratam blasphemiam Nestorii suis responsionibus doctrinisque claruerunt: quorum epistolæ aduersus eundem impium Nestorium ad orientales vniuersos datæ, & ab eodem sanctæ memoriæ Cyrillo contra eundem Nestorium anathemata proposita, sunt firmata atque roborata. Igitur indicamus prolatam definitionem a sancto Calchedonensi Concilio, non sicut fidei symbolum, sed sicut definitionem esse positam, ad peremptionem * Nestorianæ vefaniæ, & exclusionem eorum qui salutem incarnationis Domini nostri Iesu Christi denegare noscuntur: & agnoscant omnes qui ob hoc scandalum patiuntur, quia neque nos post orthodoxum symbolum a trecentis decem & octo sanctis patribus traditum, aut augmentum, aut diminutionem in his quæ sunt perfecte & a sancto Spiritu definita, suscipimus, fidem aliam nescimus: quia neque est, nec patimur hoc audire, licet quidam esse dicant. Si vero quibusdam volunt calumniari verbis, etiam hoc vestræ serenitati indicare confidimus, quoniam ea quæ illis videntur esse dubia ad intelligendum, sic respicere noscantur effectum. Sunt enim quædam in definitione, quæ recte intelligantur orthodoxa: sunt vero aliqui, qui si ea aliter velint aspicere, inuenient hæc sensus dubios parientia. Multi quidem & scripturas diuinas non intelligentes sicut scriptæ sunt, propriæ blasphemiarum dogmata genuerunt: quos Dominus Christus sua clementia, vt sacra pietatis vestræ prudentia diligentiaque conuertat, & vere prædicare verbum veritatis edoceat, & hoc sapere quod sancta dictat ecclesia, cuius caput quidem est Christus, vos autem robur ac fundamentum, imitantes immobilem Christi petram, super quam omnium creator ecclesiam suam ædificans, omnibus Christianis pietatis requiem condonauit: qui etiam

Matth. 16.

vestram serenitatem semper conseruare dignetur in talibus vigilantem, & infidiantem bestiam Christi ouilibus a septis fidei orthodoxæ repellentem. Credimus enim, quia postquam nostris literis hæc indicauimus, cuncta veritatis via & omnis modus vestræ panditur pietati, quatenus sopiantur scandala, & ad rectam fidem membra discordantia reducantur, Domino Christo desuper quadam inspiratione vestram tranquillitatem ad bona omnia deducente.

Ioannes episcopus misericordia Dei Sebastæ metropolis sanctæ Dei ecclesiæ, manu mea subscribens, secundum sanctionem vestræ pietatis prædictam, epistola meam sententiam nuntiaui, quam habeo pro fide trecentorum decem & octo sanctorum patrum in Nicæa conuenientium, quam & sanctum Calchedonense Concilium confirmauit: simul & pro Timotheo, quem preces his aduersarium ostenderunt: & conseruari vestram potestatem temporibus longis exopto.

Ioannes episcopus Nicopolitanus, similiter.

Gregorius episcopus Sebastopolis, similiter.

Maxentius episcopus Barsaræ, similiter.

Eustathius episcopus Colonæ, similiter.

Epiphanius episcopus Ataleni, similiter.

XLIX.

EPISTOLA EPISCOPORVM
ARMENIÆ SECVNDÆ,
AD LEONEM IMPERATOREM.

Religiosissimo & piissimo & Christianissimo imperatori, semper Augusto Leoni, Otrius, Acacius, Ioannes, Adelphius, Hormisda, Longinus, secundæ Armeniæ episcopi, in Domino salutem.

1. Reg. 2.

DEVS qui glorificantes se glorificat, secundum corpus suum apicem vestræ tranquillitatis inueniens inexpugnabilem palmam & honorem fidei consistentem, placidus præbuit vobis, Christianissime principum, super omnes homines sine prohibitione aliqua potestatem. Insurgentes enim inopinabiliter subdidit victoriis atque incomparabilibus triumphis, & vestram pietatem excellentissimis honoribus exornauit, immutata & sine litigio, & ab aliis indiuisa præbens sceptrum vestri imperii, vt